

## Konsènan Tès COVID-19

Si w gen [sentòm](#) oswa ou te an kontak sere ak yon moun ki gen COVID-19, fè tès la se yon fason enpòtan pou pwoteje fanmi w, zanmi w ak kominote w la.

Ou gen kesyon sou COVID-19, paske fèk gen anpil moun k ap teste pozitif – souvan ak tès lakay.

Kounye a, pasyan yo ka pwograme yon tès COVID-19 dirèkteman nan Patient Gateway a. Yo ka pwograme tès poutèt sentòm, ekspozisyon, oswa rezon ochwa. Si w pwograme yon tès, w ap wè rezilta yo nan Patient Gateway a kou yo pare. Y ap remèt rezilta yo nan 48 èdtan. Ou ka jwenn yon fèy konsèy pou ede w pwograme yon tès COVID [isit la](#). Si ou pa gen yon kont Patient Gateway, ale nan [lyen sa a](#), epi klike sou "**Enskri Kounye a**" pou anrejistre.

### Apèsi

#### Kilès ki ta dwe fè tès pou COVID-19?

Nou rekòmande pasyan yo fè tès pou COVID-19 si ou:

- Gen sentòm COVID-19 yo:
  - Tous
  - Lafyèb
  - Pèt sant/gou
  - Doulè nan misk
  - Nen k ap koule
  - Souf kout
  - Gòj fè mal
- Te an kontak sere ak yon moun ki gen COVID-19.

"Kontak sere" vle di ou te pase tan dirèkteman ak yon moun ki enfekte. Sa vle di ou te nan 6 pye de yon moun ki enfekte pou yon total de 15 minit oswa plis nan yon peryòd 24 èdtan. 15 minit yo pa bezwen an menm tan. Pa egzanp, twa ekspozisyon 5 minit separe pandan yon jounen ta egal yon ekspozisyon 15 minit.

#### Ki diferans ki genyen ant izolasyon ak karantèn?

Izolasyon se pou moun ki teste pozitif pou COVID-19. Karantèn se pou moun ki te ekspoze ak yon moun ki gen COVID-19. [Li plis nan CDC la](#).

Konsèy sou bezwen nan karantèn ak tès apre yon ekspozisyon ap chanje. Gade nan [CDC](#), [Depatman Sante Piblik Massachusetts](#), oswa sit entènèt eta ou a pou konsèy ki pi ajou.

Note byen ke pifò lekòl leta nan Massachusetts swiv direktiv Depatman Sante Piblik Massachusetts. Sepandan, gen kèk lekòl ki ka gen direktiv diferan. Tanpri rele lekòl pitit ou a pou konnen règleman espesifik karantèn yo si pitit ou a te ekspoze.

## Tès lakay yo

### Mwen teste pozitif lakay mwen. Èske mwen bezwen fè yon tès PCR?

Si w itilize yon twous tès lakay ou epi w teste pozitif, ou gen COVID-19. Ou pa bezwen yon tès PCR pou konfimasyon. Tanpri kòmanse [izolman lakay](#) ou imedyatman epi notifiye kontak pwòch ou yo sou tès pozitif ou a. Gid sa a ka chanje sou tan depann de kantite COVID ki genyen nan kominote nou an. N ap fè w konnen si sa a chanje.

### Mwen te teste negatif apre yon ekspozisyon. Kisa mwen ta dwe fè?

Si ou te jwenn yon rezilta negatif avèk tès ou fè lakay ou, swiv [direktiv aktyèl yo](#) pou karantèn ak lòt tès yo. Si ou devlope [sentòm](#), ou ta dwe fè tès ankò. Si yon tès antijèn lakay negatif epi ou gen sentòm, ekspè sante piblik rekòmande pou fè yon tès PCR oswa teste tèt ou ankò ak yon tès lakay apre kèk jou.

Nan Massachusetts, sof si depatman sante lokal yo deside otreman, lekòl yo ka pèmèt yon timoun fè tès epi rete lekòl si yo te ekspoze nan lekòl la. Tanpri rele lekòl pitit ou a pou konnen règleman lekòl la.

Tanpri kontinye pran [prekosyon](#) pou kenbe tèt ou ak lòt moun yo an sekirite.

## Tès nan Mass General Brigham

### Kouman mwen ka fè tès la?

Kounye a, pasyan yo ka pwograme yon tès COVID-19 dirèkteman nan Patient Gateway a. Yo ka pwograme tès poutèt sentòm, ekspozisyon, oswa rezon ochwa. Si w pwograme yon tès, w ap wè rezilta yo nan Patient Gateway a kou yo pare. Y ap remèt rezilta yo nan 48 èdtan. Ou ka jwenn yon fèy konsèy pou ede w pwograme yon tès COVID [isit la](#).

Si pa gen randevou ki disponib, tanpri eseye yon lòt kote oswa tcheke pita. [Massachusetts](#) ak [New Hampshire](#) gen lòt opsyon tès tou. Si w abite yon lòt kote, tcheke sit entènèt leta w la pou w jwenn resous yo. Nou gen kamyon kominotè tou ki ofri tès COVID-19 limite nan kèk jou ak lè; pa bezwen randevou. Tanpri [gade kalandriye a](#) pou ki lè nou pral nan katye w la.

Si ou pa gen yon kont Patient Gateway, ale nan [lyen sa a](#), epi klike sou "Enskri Kounye a" pou anrejistre. Ou ka rele biwo doktè w tou si w bezwen planifye yon tès san w pa itilize Patient Gateway.

Ou ka itilize tou yon twous pou fè tès lakay (yo rele souvan tès antijèn). Li plis enfòmasyon nan [Sant pou Kontwòl ak Prevansyon Maladi \(CDC\) sou tès lakay yo](#). **Tanpri pa ale nan sal dijans oswa nan swen ijan jis pou fè yon tès COVID-19.**

### Kijan tès Mass General Brigham la ye?

Tès nou itilize a se tès viral PCR la. Li fèt pa prelevman nan nen ou.

## Konbyen tès la koute?

Pifò tès COVID-19 yo kouvri pa asirans, san li pa koute w plis. Sa gen ladann tès yo fè pou rezon sante (tankou sentòm oswa yon ekspozisyon konfime) ak tès ochwa yo (tankou tès pou vwayaj oswa anvan ou al vizite fanmi).

Tanpri kontakte plan asirans sante/founisè swen sante w si w gen kesyon.

Genyen sit tès kominotè gratis tou ki disponib nan [Massachusetts](#) ak [New Hampshire](#).

## Ki lè m ap jwenn rezilta tès mwen an?

Atann rezilta nan 24-48 èdtan. Fason ki pi rapid pou wè rezilta se atravè [pòtay Mass General Brigham Patient Gateway la](#). Moman analiz tès la fini, rezilta COVID-19 yo disponib imedyatman nan Patient Gateway.

Note byen: Yo rapòte rezilta tès pozitif yo bay Depatman Sante Piblik. Ou ka resevwa yon apèl nan men Komisyon Sante lokal ou a oswa Ekip COVID Massachusetts la.

## Teste pozitif

### Èske mwen gen gwo risk pou COVID-19 grav?

Kondisyon ki gen gwo risk pou COVID-19 grav gen ladann moun k ap sibi tretman pou kansè, moun k ap pran medikaman pou transplantasyon aktyèlman, oswa medikaman iminosipresan pou lòt kondisyon. Lòt kondisyon ki gen gwo risk, ki gen ladann yo maladi kwonik nan poumon, ren oswa fwa, dyabèt; VIH, gwosè depase limit, ak laj 65 oswa plis, ka mete ou nan plis risk pou sentòm COVID-19 oswa grip pi grav toujou. CDC la gen plis enfòmasyon [isit la](#).

Si w gen youn oswa plizyè kondisyon sante ki mete w nan gwo risk pou COVID-19 grav, ou ka elijib pou tretman COVID-19 pou pasyan ekstèn si w gen COVID-19. (Lyen ak tretman pou pasyan ekstèn).

### Mwen teste pozitif. Mwen pa nan [gwo risk](#) pou maladi grav. Sentòm mwen yo enkyete m. Kisa pou m fè?

- Si ou teste pozitif epi ou gen sentòm lejè, rete lakay ou epi izole tèt ou.
- Si ou gen sentòm modere, rele doktè-w la.
- Si ou gen sentòm grav, ale nan sal dijans.

[Li plis sou sa ou ta dwe fè si ou teste pozitif](#)

### Mwen te teste pozitif epi mwen gen [gwo risk](#) pou maladi grav. Sentòm mwen yo enkyete m. Kisa mwen ta dwe fè?

- Rele biwo doktè-w la. Ou ka kalifye pou [tretman COVID pou pasyan ekstèn](#).

Mizajou 17 mas 2022